

## OKVIRNI SPORAZUM

o pružanju usluga operativne (proljetnje i jesenje) faze obavezene preventivne sistematske deratizacije na području Kantona Sarajevo za period 2020.-2022. godine.

### I – UGOVORNE STRANE

**KANTON SARAJEVO**, Ministarstvo zdravstva  
ul.Reisa Džemaludina Čauševića 1, 71000 Sarajevo  
ID broj:4200664400000  
koje zastupa ministar Haris Vranić (u daljem tekstu: **Naručilac**)  
i  
**„SANITACIJA“ d.o.o. Sarajevo**  
ul. Malta 17, 71000 Sarajevo  
ID broj: 4200256030008  
koga zastupa direktor Elna Ibrahimović (u daljem tekstu: **Izvršilac**)

### II – PREDMET UGOVORA

#### Član 1.

Naručilac naručuje, a Izvršilac preuzima obavezu da za račun Naručioca, prema uslovima i odredbama ovog Okvirnog sporazuma i na osnovu prihvaćene ponude Izvršioca broj:14/20 od 16.10.2020 godine, zaprimljen pod brojem 17-11-40401 od 19.10.2020. godine, izvrši usluge operativne (proljetnje i jesenje) faze obavezene preventivne sistematske deratizacije na području Kantona Sarajevo u periodu 2020.-2022. godine.

#### Član 2.

Izvršilac se obavezuje da će po nalogu Naručioca, a na osnovu prethodno usaglašenog i od strane Naručioca odobrenog Plana deratizacije, izvesti poslove operativne (proljetnje i jesenje) faze obavezene preventivne sistematske deratizacije na području Kantona Sarajevo u periodu 2020.-2022. godina.

Poslovi se imaju izvesti u skladu sa uslovima prihvaćene ponude broj: 14/20 od 16.10.2020.godine i odredbama ovog Okvirnog sporazuma.

### III – KVALITET I OBIM USLUGA

#### Član 3.

Izvršilac se obavezuje da će sve usluge koje zahtjeva Naručilac izvesti prema kvalitetu i obimu koji su navedeni u prihvaćenoj ponudi broj: 14/20 od 16.10.2020 godine i Programu izvođenja obavezne preventivne sistematske deratizacije na području Kantona Sarajevo 2020. - 2022. godine („Službene novine Kantona Sarajevo“, broj: 41/19 i 42/19), uz obavezno poštivanje važećih propisa, standarda i normativa koji su Zakonom regulisani za poslove sistematske deratizacije.

#### Član 4.

Izvršilac se obavezuje da će u okviru Okvirnog sporazuma za svaku operativnu fazu (proljetnu ili jesenju) obavezane preventivne sistematske deratizacije na području Kantona Sarajevo u periodu 2020. - 2022 godine sa Naručiocem potpisati ugovor koji će regulisati sve poslove sistematske deratizacije za tu fazu, što podrazumjeva potpisivanje ugovora za:

- I fazu za 2021. godinu koja se realizuje u periodu od 01.04. do 31.05.2021. godine,
- II fazu za 2021. godinu koja se realizuje u periodu od 01.10. do 30.11. 2021. godine,
- I fazu za 2022. godinu koja se realizuje u periodu od 01.04. do 31.05.2022. godine,
- II fazu za 2022. godinu realizuje se u periodu od 01.10. do 30.11. 2022. godine.

Za sve izvedene usluge sistematske deratizacije i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručiocu dostaviti odgovarajuću dokaznu dokumentaciju o ispravnosti i kvalitetu izvedenih usluga sistematske deratizacije, koja je uredno ovjerena od strane nadzornog organa.

Imajući u vidu da je postupak javne nabavke trajao jako dugo, te da je prošao rok za provođenje „jesenje deratizacije“ planirane za 2020. godinu, a koja je bila predmet provedene javne nabavke, ista se isključuje iz Okvirnog sporazuma i postupka ugovaranja.

#### **Član 5.**

Eventualna odstupanja od ponudom i nalogom predviđenih količina usluga, moraju biti prethodno odobrena od strane Naručioca, odnosno od strane nadzornog organa, uz obavezno provođenje procedura propisanih Zakonom o javnim nabavkama.

### **IV – KONTROLA**

#### **Član 6.**

Stručni nadzor nad izvođenjem usluga vršit će JU Zavod za javno zdravstvo Kantona Sarajevo. Nadzor nad izvođenjem usluga JU Zavod za javno zdravstvo Kantona Sarajevo će vršiti kontinuirano uz stalno prisustvo tokom izvođenja sistematske deratizacije.

Upravni nadzor nad provođenjem deratizacije, te nadzor nad organizacijom i izvođenjem deratizacije, vrši Kantonalna uprava za inspeksijske poslove - Sanitarna inspekcija.

### **V – GARANCIJA O KVALITETU**

#### **Član 7.**

Izvršilac daje garanciju na kvalitet izvedenih usluga, uz pružanje potpune garancije za ispravnost sredstava koja se koriste za sistemsku deratizaciju.

Za korištena sredstava Izvršilac mora posjedovati odgovarajuću dokumentaciju, kojom u svakom trenutku mora dokazati da je upotreba istih odobrena od strane nadležnih organa, te u odgovarajućim dozama bezopasna za ljude.

#### **Član 8.**

U slučaju naknadne pojave nedostataka u kvalitetu izvedenih usluga, a u okviru ugovorom predviđenih usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvršilac po pozivu Naručioca ne odazove u roku iz stava 1. ovog Ugovora, Naručilac stiče pravo da za otklanjanje nedostataka angažuje drugog Izvršioca, a sve troškove snosi Izvršilac usluga.

#### **Član 9.**

U slučaju naknadne pojave nedostataka u kvalitetu izvedenih usluga, čijim bi izvođenjem bili ugroženi životi i zdravlje ljudi ili prouzrokovane veće materijalne štete, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvršilac to izbjegava Naručilac će postupiti na način predviđen članom 8. ovog Ugovora.

### **VI – CIJENA USLUGA**

#### **Član 10.**

Potpisivanjem ovog Okvirnog sporazuma prihvataju se cijene pojedinih vrsta usluga koje su ponuđene u ponudi broj: 14/20 od 16.10.2020 godine, zaprimljenoj pod brojem 17-11-40401 od 19.10.2020.godine, kako slijedi:

**Cijena bez PDV-a: 427.310,00 KM**  
**Ukupno sa PDV-om: 499.952,70 KM**

Sastavni dio ovog Ugovora je ponuda broj: 14/20 od 16.10.2020 godine, zaprimljenoj pod brojem 17-11-40401 od 19.10.2020.godine.

Obzirom da se shodno navedenom u članu 4. neće ugovarati „jesenja deratizacija“ planirana za 2020. godinu, Naručilac će sa Izvršiocom ugovoriti proljetnu i jesenju fazu deratizacije za 2021. i proljetnu i jesenju fazu deratizacije 2022. godinu u pojedinačnim iznosima od po 85.462.00 KM bez PDV-a, odnosno 99.990,54 KM sa PDV-om.

#### **Član 11.**

Izvršilac nema pravo na promjenu ugovorenih jediničnih cijena, po bilo kom osnovu i u tom smislu utvrđene jedinične cijene, smatraju se fiksnim i nepromjenljivim.

Cijene se mogu mijenjati samo u izuzetnim slučajevima (velike oscilacije na tržištu) uz obostranu saglasnost Naručioca i Izvršioca, što će se definisati novim Ugovorom.

### **VII – NAČIN I USLOVI PLAĆANJA**

#### **Član 12.**

Ugovorne strane su sporazumne da Naručilac, Izvršiocu izvršene usluge plaća na:

- račun broj: XXXXXXXXXX

#### **Član 13.**

Fakturisanje usluga će se vršiti nakon izvršenja istih, uz ovjeravanje radnog naloga od strane nadzornog organa i ovlaštenog lica Naručioca.

Fakturisane usluge Naručilac će platiti Izvršiocu u roku od 60 /šesdeset/ dana od dana ispostavljanja fakture.

## **VIII TRAJANJE UGOVORA, ROKOVI I USLOVI IZVOĐENJA USLUGA**

### **Član 14.**

Ovaj Okvirni sporazum stupa na snagu danom obostranog potpisivanja i važi do 31.12.2022. godine i njegove odredbe se ne mogu mijenjati nakon potpisivanja.

### **Član 15**

Izvršilac je kod izvršenja usluga odgovoran za:

- sprovođenje mjera tehničke zaštite tokom vršenja usluga,
- sigurnost objekta, stvari i ljudi za vrijeme vršenja usluga,
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih vršenjem usluga, a u skladu sa članom 20. Pravilnika o načinu obavljanja obavezne dezinfekcije, dezinsekcije i deratizacije ("Službene novine FBiH", broj 30/16).

### **Član 16.**

Izvršilac je obavezan vršenje predmetnih usluga prijaviti nadležnom opštinskom organu, prema važećim propisima.

## **IX PENALI I KAZNA**

### **Član 17.**

U slučaju da Izvršilac svoju ugovorenu obavezu ne izvrši ili ne izvrši u ugovorenom roku i u obimu iz prihvaćene ponude, Naručilac stiče pravo na obračun i naplatu kazne za prekoračenje ugovornog roka u iznosu od 0,5% od izvedene vrijednosti radova za svaki dan zakašnjenja, a najviše do 5% od vrijednosti izvedenih usluga.

### **Član 18.**

Ugovorena kazna će biti obračunata konačnim obračunom.

## **X DOKUMENTACIJA**

### **Član 19.**

Prilikom pružanja ugovorom predviđenih usluga Izvršilac je dužan da na propisanim obrascima uredno evidentira sve izvršene usluge, koje potpisuje nadzorni organ, te na kraju odobrava nadzorni organ. Nalog ovjeren na navedni način predstavlja osnov za izdavanje fakture i čini njen sastavni dio.

## **XI PRIJEM IZVRŠENIH USLUGA**

### **Član 20.**

Prijem usluga po ukazanoj potrebi obavlja nadzorni organ iz člana 6. ovog Ugovora. Konačan obračun usluga i ispostavljanje fakture će se izvršiti najdalje u roku od 15 /petnaest/ dana, od dana izvršenja usluga.

## XII RASKID OKVIRNOG SPORAZUMA

### Član 21.

Pravo na raskid Okvirnog sporazuma zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, u cjelosti ili ih izvršavaju djelomično, s tim što su obavezni da o svojoj namjeri u pisanoj formi obavijeste drugu ugovornu stranu, najmanje u roku od 30 (trideset) dana unaprijed.

## XIII PRELAZNE I ZAVRŠNE ODREDBE

### Član 22.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

### Član 23.

Ovaj ugovor sačinjen je u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

### IZVRŠILAC:

„SANITACIJA“ d.o.o. Sarajevo

Direktorica

Elna Ibrahimović




### NARUČILAC:

KANTON SARAJEVO

Ministarstvo zdravstva

Ministar

Prof.dr Haris Vranić



Sarajevo, 30.04. '21

Broj: 18-04/21

Broj: 10-33-19629/21  
Sarajevo, 28.04.2021.godine

